

$\frac{1}{2}$ la marcha, come *alias* fu preso e revochada. Et la copia sarà qui avanti posta. Ave 58 di no, 74 di si. Presa.

Fu posto, per i diti, che si possi comprar stabeli posti in tenuta di debitori di le cazude con li do terzi di contadi, et uno terzo dil cavedal di monte nuovo, et cussi chi è debitori fin questo zorno a dito officio, possi saldar il suo debito a questo modo. Sier Marco Bolani, savio dil consejo, e i savij di terra ferma messe, il terzo sia di monte novissimo. Andò le do opinion, et fu presa quella di savij, dil 3.º dil monte nuovo. La copia sarà qui avanti.

Fu posto, per i savij, che sier Alvixe Zorzi, *quondam* sier Lorenzo, e fratelli poi il lhorò falir siano assoluti di tanxe. Et fu presa.

Fu posto, per i savij, che atento sier Alvixe d' Armer è debitor di la Signoria et è creditor assai per altri conti, che sia suspeso il suo debito; e perchè altri voleva *etiam* di sier Marco Orio, sier Vincenzo Pasqualigo, *quondam* sier Cosma, sier Alvise Soranzo, *quondam* sier Vctor, fo terminà balotar a una a una, et balotata quella di l' Armer non fu presa. Ave

Fu posto, per li consieri e cai di 40, fusse suspeso li debiti di la Signoria ha sier Hironimo Conzarini, è provedador in armada, fino per uno mexe poi ritornato in questa terra. Ave 52 di no, 90 de sì, et fu presa.

281

Exemplum.

Die 18 septembris 1511, in rogitis.

Sono a l' officio nostro de le cazude una gran summa de debitori nostri da i quali se scuode poco, over niente, come per experientie quotidiane se vede, non zovando alcuna provisione facta finhora, *adeo* che l' arsenal nostro, al qual sono deputati in gran parte i danari de quel officio patisse insieme *cum* tute le altre cose nostre, *unde* è al tuto necessario non manchar de nova experientia et remedio, et perhò

L' anderà parte, che per auctorità de questo consigliò sia preso che tuti j beni di debitori predicti facti, fino a questo giorno tolti, et che *de cætero* se toranno in tenuta per l' officio nostro predicto, siano posti per el dicto officio a l' incanto et venduti *juxta* la forma de le leze sopra ciò disponente, possendo, quelli j compreranno, scontar uno terzo de cavedal de monte novo, sì in nome suo, come in nome de altri, et *simul* et *semel* dando j

altri do terzi de contadi. Venduti j qual beni, se quelli, de chi j seranno stati, voranno recuperarli siali concessa facultà de poterli redimer in termine de giorni octo immantinentè subsequenti, dapoj che li sarà data noticia, et non li recuperando in dicti giorni, le venditione siano et se intendano esser inappellabile, dichiarando che del monte novo fusse scontado per j predicti, sia tenuto uno distincto et particular conto, acciò se possi metter el pro in la Signoria nostra, come è justo.

Præterea tuti quelli che in termine de zorni 15 exbursasseno danari contadi al dicto officio de le cazude, possino dicti danari accompagnar *cum* uno terzo del cavedal del monte novo, sì che j siano do terzi de contadi et uno terzo de cavedal del dicto monte novo, *cum* el qual suo credito possino scontar *cum* si medesimi, et non havendo debito possino tuor per sua satisfactione dei debitori del dicto officio de le cazude, facti fino questo giorno, et che j beni di debitori predicti, tolti in la Signoria nostra, et de quelli che se vendesseno a l' incanto senza exbursar altro denaro contado. 281

Die dicto.

Li presenti tempi sono de qualità che recercano non doverse repudiar alcuno mezo per el qual se possi recuperar danari, *unde* essendo stà, questi zorni passati, preso in questo consiglio de poter metter arzenti lavoradi in cecha, et poi suspeso, et *tandem*, ultimamente revocata la parte, fu data in nota a la cecha circha marche 600 de arzenti lavoradi, è conveniente acceptare *etiam* dicti arzenti lavoradi, attento *maxime* che in quelli ne sia oro assaj del qual se serve la Signoria nostra, facendo creditori quelli de che j sono et perhò

L' anderà parte, che non obstante dicta revocatione, tuti quelli che se hanno dati in nota de metter arzenti lavoradi in cecha siano obligati metterli per tuto sabado proximo, j quali insieme *cum* tuti quelli, che voranno meter arzenti lavoradi in cecha per tuto el presente mese, siano facti creditori de le facture da uno ducato fin uno et mezo la marcha, et non *ultra*, come altre volte è stà facto, possendo scontar el credito di arzenti in le angarie, che *de cætero* se metteranno.

De le facture veramente siano facti creditori separatamente, et quelle possano scontar ne le graveze che se metteranno da primo novembrio indriedo.